

徐

州

志

七



湯山縣

進士

魏

益

洪武四年辛亥科任縣丞

倪

鼎永樂十六年戊戌科

李

穩

正德三年戊辰科見傳

舉人

魏

益

洪武三年庚戌科登進士

王

懌二十年丁卯科任訓導

倪

鼎

永樂十二年甲午科登進士

李

穩弘治十七年甲子科登進士

貢

盧

生

洪武十七年

李

忠十八年

朱

安

十九年任御史

張

友恒二十七年

朱顯
二十六年任

杜慶
二十八年任

毛誠
二十九年任
府同知

王佐
三十一年任

李旻
三十四年任

劉叙
三十六年任
通判

張佑
三十八年任

劉安
四十一年任

蔣幹
四十二年任
府經歷

程憲
四十四年任

唐凱
二十七年任

李範
二十九年任

姜熊
三十一年任

范庸
三十三年任
永樂

張俊
三十五年任

謝裴
三十七年任
署丞

張宏
三十九年任
見傳

王瑾
四十一年任
縣丞

郭惠
四十三年任

趙敏
四十五年任

卷之四

十一

褚讓 十六年

劉璣 十七年

李烈 十八年
任監正

單慶 十九年
任畿

張顯 二十年
任縣丞

楚盛 二十一年
任典中

董彝 宣德元年
任縣丞

王澤 四年

紀紳 七年
任縣丞

胡寧 八年
任兵馬指揮

劉志 九年

黃遠 十年

齊志 正統三年

武韜 五年
任知縣

許昌 七年
任縣丞

苗本 九年

姚剛 十一年
任衛經歷

朱良 十二年

劉湧 景泰元年

郭居仁 二年

黃中 三年任

李存仁 四年任

吳文彬 五年任

蔣德興 六年任

李恂 七年任

王縉 天順三年

趙銘 成化二年

劉宗 三年任

陳善 四年任

許中 五年

趙英 六年

段珉 七年任

張豫 入年任

朱喆 九年任

季春 十年任

丁鑑 十二年

紀義 十四年

仇琰 十六年任

許侃 十八年任

王澄 二十年任

張 濬 任縣丞

李 智 三年

毛 麟 七年任

房 資 九年任

趙 珩 任縣丞

張 倫 見傳

季 旻 七年

黃 鎬 三年

胡 通 七年任

李 蘭 任訓導

張 環 任縣丞

孟 杲 五年任

郭 遜 八年

王 駙 十年

武 祿 十二年

曹 邨 十五年

李 錫 任知縣

王 惠 五年任

范 讓 九年

李 林 任審理

余府志卷之四

五

白忠
任十五年
訓導

王蘭
任十六年
訓導

孟暘
嘉靖元年
任

楊經
知縣
任二年

崔性
任三年
訓導

張泰
任五年
縣丞

姚典
任七年
訓導

趙紳
見傳
九年

李芹
任一年
縣丞

趙繼時
任十三年
縣丞

趙孟津
任十年
訓導

李嘉言
任十五年
縣丞

劉寔
任十六年
訓導

王化
任十八年
縣丞

常世輔
任十九年
訓導

李佶
任二十年
縣丞

姚寅
任二十年
訓導

王銳
任二十二年
教授

曹溥
任二十四年
訓導

紀孟儒
任二十六
年
主簿

魏景芳任主簿二十八年

胡守仁任主簿二十八年

常策任縣丞二十二年

胡應登任縣丞二十四年

薛銳任縣丞二十六年

王賡任教諭二十八年

朱旃任教授四十年

李夏臣任教諭四十二年

陳大謨任教授四十年

胡邦傑任教諭元年

趙道南任教授二年

趙繼芳任教授二年

蔣世爵任教授五年

紀動任教授萬曆元年

楊楠任教授二年

王自勉任教授四年

豐縣

舉人

王獻永樂三年乙酉科見傳

李秉衷成化二年丙戌科任員外郎

裴紀七年辛卯科見傳

秦表正德二年丁卯科

張孟學同丁卯科

貢

傅翼洪武十二年任知縣

王潤十四年任衛經歷

馬驥十六年任縣丞

高舉十八年

康泰二十年任縣丞

丁馴二十一年任縣丞

荆貴二十二年任主簿

王度二十三年見傳

馬端二十四年任中事舍人

楊清二十五年任府經歷

孫頤二十六年任州判

左繼二十八任衛經歷

洪 任典簿 二十九年

趙 恕 任御史 三十年

牛鳳元 任檢校 三十一年

馬 建 任主簿 三十二年

張 博 任照磨 三年

董 立 州同知 五年

王 山 伴讀 七年

王 綱 知縣 九年

韓 溫 任知縣 十一年

馬 駟 任都事 十四年

秦 珪 任主簿 十六年

胡宗泰 中書舍人 十七年

趙 麟 任推官 十九年

周 冕 任知縣 二十一年

解以文 任縣丞 二十二年

司 義 任檢校 宣德元年

鄭 斌 任訓導 三年

王 謙 任訓導 四年

白思恭 州判 五年

鄭 弘 審理 七年

郝敬九年任教諭

胡寧正統二年任知州

王洪三年任知縣

牛增四年任知縣

朱銘五年任縣丞

李懋六年任知縣

張常七年任吏目

王懋九年任知縣

李俊十一年見傳

段文十二年任吏目

胡欽十二年任引禮舍人

陸遠成化元年任兵馬指揮

王綸三年任州判

楊倫五年任府知事

孫清九年任主簿

黃謙十二年任州判

黃安十六年任縣丞

蔡或二十一年任教諭

高宣弘治二年任縣丞

胡政五年任教諭

裴綸 七年任

王大京 九年任

王敷 十年任

馮敏 十一年任

史全 十五年任

田源 十七年任

魏璟 正德三年任

王希賢 六年任

李瓊 九年任

孫宸 十二年任

李天祐 十五年任

黃琛 十六年任

李廷賢 嘉靖五年任

宗岱 九年任

魏翰 十年任

胡弘毅 十二年任

崔輔政 十二年任

劉見龍 二十八年任

劉鶴鳴 二十一年任

仇孟辰 三十四年任

卷之二

五

李

朴任訓導三十七年

劉

汀任知縣四十一年

王元貞

四十年

李大美

四十年

屈

伸

隆慶元年

崔

動

三年

李

明

六年

董

冕

萬曆元年

渠有源

二年

劉

演

四年

宦蹟

長民之任政教所繫而懋舉厥職民不忍諉故其

棠足以志思而豐碑亦不能墮淚民心之至愚而

神如此徐自秦漢而下為州為國為郡為縣自刺

史守令以至一命之吏任茲土者浩不勝述其奉

公... 國為能表鴻烈於當時揚耿輝於後世有
若人焉信可愛而傳也以故摭稽故實著為列傳
俾之膾炙人口永永不磨嗟乎載用有嗣之君子
亦以聞風而動慮矣彼何人斯而可使之專美於
疇曩耶

徐州

漢

穆生魯人少與楚元王及申公白生俱受詩厚丘伯
元王王楚以三人為中大夫甚敬禮之穆不嗜酒
王每為設禮及孫戊即位常設後忘設焉穆生曰

醴酒不設王之意怠不去楚人將鉗我于市遂謝病去

申公魯人爲楚元王中大夫傳其孫戊戊不好學景帝三年戊以罪削郡乃與吳通謀公與白生諫不聽胥靡之衣之赭衣使杵臼雅舂于市申公耻之退居教授終身不出

白生魯人爲楚元王中大夫至戊淫暴穆生謝病去生念先王之德獨留

何武字君公蜀郡郫縣人宣帝時由京兆尹左遷楚內使武爲人仁厚好進士獎稱人之善在楚厚兩

漢及爲公卿薦之朝廷世以此多焉

王尊字子穎涿郡高陽人成帝時以京兆尹爲徐州
刺史尊歷官今守潔已砥節誅惡不避豪強聲稱
大著

楊統章帝建初中爲彭城今歲大旱統搯陰陽消伏
縣界蒙澤守宗湛使統爲郡祈雨雨即大降自是
朝廷災異多訪之

蘇章字孺文扶風平陵人也安帝時舉賢良即對策
高第爲議郎數陳得失其言甚直出爲武原今時
歲饑輒開倉廩活三千餘戶

楊秉字叔節弘農華陰人震中子少傅父業博通書
傳常隱居教授年四十乃應辟拜侍御史出爲徐
州刺史有能名計日受俸餘祿不入私門故吏齎
錢百萬遺之閉門不受桓帝初遷尚書以廉潔爲
朝廷所知

欒巴字叔元魏郡內黃人漢安元年以光祿大夫與
杜喬等八使循行州郡觀省風俗巴使徐州所按
察無寃濫

魏朗字少英會稽上虞人桓帝時再遷彭城令時中
官子弟爲祖國多行非法朗與更相章奏幸臣忿

疾欲中之會九貞賊起衆其薦剋爲九貞都尉去得免

百里嵩爲徐州刺史境內旱行部所至其雨隨霆東海西縣僻在山間嵩不到無雨父老請嵩入界即雨百姓立祠祀之

趙昱字元達琅琊人清已疾邪潛志好學平生不妄視聽獻帝時陶謙牧徐州信用非人曹宏等讒慝刑政失和良善多被其害昱爲別駕從事以忠直

見疎奏出爲廣陵太守

時徐州黃巾賊起以謙爲徐州刺史擊破之是時四

方斷絕謙每遣使間行奉貢西京詔遷徐州牧封深陽侯時徐方教實甚豐流民多歸之而謙信邪

失政民心日離由斯漸亂曹操擊謙破彭城傳揚
百姓流移依謙者皆藏按謙治行若此今割不傳

張尚楚王戊趙夷亦楚王戊袁益楚相刁子都蓋豫王

景車並徐張皓史弼袁賀汲廉糜芳薛禮並徐

糜竺別駕皆以無蹟不傳按後漢徐州治剡城徐其

法不當今
姑仍舊志

三國魏

呂虔字子恪伍城人仕魏為徐州刺史檄王祥為別

駕民事一以委之虔有佩刀工者相之以為三公

之器虔謂祥曰苟非其人刀或為害鄉有公輔之

量故以相與世多其任賢

江隱居三十餘年不應州郡之命母終居喪毀瘠杖而後起徐州刺史呂虔檄為別駕委以州事于時寇盜充斥祥率勵兵士頻討破之州界以寧時人為之歌曰海沂之康實賴王祥邦國不空別駕之功以醇誠真粹見重于時位至太保

臧霸鄒岐

並刺史

陳矯

郡

温恢

檄

並以無蹟不傳

善志名宦

紀無吳奉馮朝朱桓賀齊全琮考史州在三國非吳地奉等並假節徐州又魏鍾毓胡質皆都督青徐軍事並不書

晉

王渾太原人沉雅有器量咸熙中爲越騎校尉武帝
受禪加揚烈將軍遷徐州刺史時歲饑混開倉大
賑百姓賴之

胡威字伯武其父質仕魏累遷征東將軍都督青徐
諸軍事廣農積穀有兼年之儲父子清慎名譽著
聞武帝謂威曰卿清孰與父威對曰臣不如也臣
父清恐人知臣清恐人不知是臣不如者遠也咸
熙中拜徐州刺史勤於政術風化大行有殊績焉
蔡豹陳留人有氣幹元帝時爲振武將軍臨淮太守
在郡有治績遷徐州刺史豹在徐土內撫將士外

懷諸衆甚得遠近情

司馬包東平王懋衛瓘州都督徐胡奮裴盾稽紹石

包羊耽羊陶高誕劉柳祖逖庾亮劉遐郗鑿桓溫

褚裒荀美周馥卞敦蔡謨謝玄郗愔丁紹會稽王

道子並徐州刺史于修東海王越領徐州都督王隆石崇

並監徐州軍事向詔謝琰並彭城太守庾闡劉涓子何謙並彭城內

史朱序鎮徐州徐放別駕劉懷為前將軍皆無蹟不傳

南北朝

劉義欣宋宗室元嘉中鎮彭城宋遣將伐魏到彥之

棄軍走彭城時青兗大擾將佐皆勸委鎮還都義

欣不從

王玄謨太原祁人初仕宋爲徐州從事史元嘉中彭城太守義賓薨玄謨上言彭城要害兼水陸請以皇子撫臨州政從之乃以武陵王雍州刺史駿出鎮彭城

王懿字仲德太原祁人以字行沉審有意宴符氏之汝時年十七及兄獻同起義兵與慕容垂戰敗創困臥林中有童子饋食白狼銜渡之異宋武帝受命系遷徐州刺史加都督仲德凡三臨徐州威德宣王弘字休元琅琊臨沂人少好學以清悟知名宋

帝召補鎮軍諮議叅軍尚書僕射掌選領彭城太守弘大聖所宗造次必存禮法凡動止施爲及書翰儀體後人依倣謂爲王太傅家法雖歷任藩府而不營財利既薨家無餘業

王裕之字弘敬琅琊臨沂人以字行少有清尚宋武帝以爲車騎從事中郎徐州中從事史累遷吏部尚書每被召即便祇奉既到宜退旋復解官武帝嘉其志不苟違

齊翰字休文馮翊池陽人仕宋爲將佐十餘年清謹勤正甚爲武帝所知實元嘉中歷位梁南秦二州

刺史徙益州刺史加都督在任著美績甚得方伯
之體論者稱之累遷徐州刺史督徐兗二州豫州
梁郡諸軍事

張暢字少微吳郡吳人也累遷太子中庶子孝武鎮
彭城暢爲安北長史沛郡太守元嘉二十七年魏
太武南征太尉江夏王義恭統諸軍出鎮彭城欲
棄彭城南歸計議彌日不定暢曰今城內乏食民
無固志但以關扃嚴欲去莫從耳若先去以爲民
望則各各正命欲至所在何由可得軍食雖寡朝
夕猶未嘗罄豈有捨萬安之術而就危亡之道若

此計必用暢請以頸血汚君馬跡孝武聞暢議詔
義恭曰長史言不可異也義恭乃止果獲全

張岱字景山吳郡人宋元嘉末爲冠軍咨議參軍領
彭城太守行府州國事爲政端平待物以禮歷任
以清直寬恕著名

沈曇慶吳興永康人仕宋位尚書左丞大明元年爲
徐州刺史謹實清正常謂子弟曰吾處世無才能
圖作大老子耳世以長者稱之

王謚字仲和東海郟人宋大明中辟爲州迎主簿又
爲州迎從事謚真正和謹朝廷稱爲善人多與之

厚少貧常自紡績及通貴後不以爲諱世稱其達
魏公子仕宋爲彭城內史廉恪修慎在公忘私安約
守儉久而彌固

江革字休映濟陽考城人幼而聰敏有才思弱冠舉
南徐州秀才爲鎮北豫章王長史被敕隨鎮彭城
城既失守爲魏人所執革稱脚疾不拜將害之見
革辭色嚴正更加敬重乃令革作文八寺碑并祭
彭社文革辭以囚執既久無復心思將加箠朴革
厲色曰江革年六十不能殺身報主今日得死
幸誓不爲人執筆魏人釋之後革還朝上大宴

酒勸革曰今日始見蘇武之節

成景雋范陽人也仕梁武帝朝除北徐州刺史侵魏所向必推其智勇時以比馬仙埤兼有政績見懷北州吏人樹碑紀德卒謚曰烈

薛虎子代人仕後魏累遷開府徐州刺史興置屯田甚多惠政兵民懷之郡太守汚黷者舉爲所按

元鑒字紹達後魏宗室沉靜少言寬和好士爲齊州刺史轉徐州刺史屬徐兗大水人多饑餓鑒表加賑恤人賴以濟

李元茂仕後魏位司徒彭城鎮副將人吏安之

叔孫建代人少以智勇著稱仕後魏歷官都督前鋒
諸軍事徐州刺史建沈敏多智東西征伐常爲謀
主容貌清整號令嚴明又雅尚人倫禮賢愛士魏
初名將鮮有及之

元顯和少有節操歷司徒記室叅軍司徒崔光每見
之曰元叅軍風流清秀容止閑雅乃宰相之器除
徐州安東府長史刺史元法僧叛顯和與戰被擒
執手命與連坐顯和曰顯和與阿翁同源別派皆
是磐石之宗一朝以地外叛若遇董狐能無慙德
遂不肯坐法僧猶欲慰喻顯和曰乃可死作惡鬼

不能生為叛臣及將殺利色自有

元雲後魏景穆子獻文時拜都督中外諸軍事屢有討叛功除開府徐州刺史居官廉惠深得徐方之心百姓追念之雲子澄字道鏡父薨居喪以孝聞襲封加大冏一梁州刺史澄善懷附西南款順加侍中賜衣馬以旌其能轉開府徐州刺史甚著聲績

元延明後魏宗室延侍中兼尚書右僕射及法僧反詔為東道行臺徐州大都督節度諸軍事討法僧延明先牧徐州甚得人譽撫懷舊土遠近歸之遷

徐州志卷之四
都督徐州刺史徐州類經師旅人物凋弊延明招
携新故人悉安業

元悅魏宗室爲開府儀同三司尋遷太保出爲徐州
刺史盜賊屏息

王則仕後魏爲徐州刺史梁命侍中羊侃與蕭淵明
堰泗水於寒山以灌彭城賊成則嬰城固守

元衍字安樂魏宗室位梁州刺史尋轉徐州刺史衍
性清慎居官不營產業久歷州牧皆有稱績

崔孝芬字恭柱挺之子博學有才識任城王澄奏地
制八條孝芬所恭定也梁將成景雋逼彭城魏

孝芬兼尚書右丞爲徐州行臺孝芬既至景信等
乃仙退走

盧伯源小字陽烏敦尚學業仕後魏兼徐州長史以
誠信御物甚得人和南徐州刺史沈陵謀叛伯源
表聞惟歸罪于陵撫其餘黨而赦之

崔鑿字神具博陵安平人有文學仕後魏自中書博
士轉侍郎出爲徐州刺史時欲安新附人有年老
者表求假以守令詔從之又於州內治銅爲農具
兵人獲利

劉渴侯稟性剛烈太和中爲徐州後軍適寇至渴以

力死戰衆寡不敵遂破獲頭目大罵不屈爲賊所
殺贈立忠將軍平州刺史上庸侯賜絹千匹穀千
斛時嚴季爲軍校尉與渴候同殿勢窮被執終不
降屈後得逃還除立節將軍賜爵五等男

房謨字敬放河南洛陽人少淳厚正平未歷官昌平
代郡太守轉徐州刺史先是州兵皆寮佐驅使饑
寒可憫死病無筭謨至皆加檢勒不令煩擾以休
假番代洗沐又使傭賃令作衣服終歲還家無不
溫飽時梁魏和好使人入其界者咸稱歎之

盧景字叔達小字師顏學涉經史早有時譽爲徐州

刺史景寬和矜愨善於緩懷徐之戍兵有疾親自
檢恤至番兵年滿不歸聽充後役然後始還人庶
稱便

蕭寶實字智亮神麤中爲都督徐州刺史車騎大將
軍乃起學館於郡東朔望引見士姓子弟與論經
義且勤於聽理吏人推戴焉

高諒字修賢少好學多識強記居喪以孝聞太和永
承光中加驍騎將軍爲徐州行臺至彭城屬元法
僧反逼諒同之不從見害謚曰忠侯諒造親表譜
錄四十餘卷自五世以下內外曲盡覽者服其博

記

陸通字仲明吳郡人也性柔謹仕魏以迎孝武功封
都昌縣伯尋進爵為公徐州刺史雖久處列侯常
清慎自守所得祿賜盡與親故共之家無餘財每
曰凡人患貧而不貴不患貴而不貧也建德元年
轉大司馬薨

孔休源字慶緒會稽山陰人州舉秀才太尉徐孝嗣
省其策曰觀此足稱王佐之才歷官晉安王府長
史南蘭陵太守別敕專行青徐州事累佐名藩甚
專時譽王深相倚杖常於中齋別施一榻云此是

孔長史坐人莫得預其見敬如此

李彥字次仲孝文初舉秀才累拜河南尹復敕行徐州事尋遷平東將軍徐州刺史延昌二年夏大霖雨川瀆皆溢彥相水陸形勢隨便疏通得無淹漬之害朝廷嘉之頻詔勞勉

慕容紹宗字紹宗晃第四子太原王恪之後也容貌恢毅少言深沉有膽畧以軍功進爵爲公累遷御史中尉屬梁人劉烏黑入寇徐方授徐州刺史執烏黑殺之還除尚書左僕射後卒二軍將士莫不悲惋朝廷嗟傷焉贈太尉謚曰景惠

趙深字彥深南陽宛人北齊神武時累轉東南道行
臺尚書徐州刺史政尚恩信吏人懷之

張晏之字熙德從尙書榮平元顥賜爵武成子累遷
尚書二千石郎中高岳征潁川復以爲都督中兵
參軍兼記室晏之文主兼有武幹每參帷帳之謀
又嘗以短兵接刃親獲首級深爲岳所嗟賞齊天
保初侍燕文宣晏之作詩云天下有道主明臣直
雖休勿休永貽世則文宣咲曰得卿箴諷深以慰
懷後行北徐州事尋即真爲吏人所愛御史崔暹

武督察州郡至北徐無所案劾唯得百姓所制

孔長史坐人莫得預其見敬如此

李彥字次仲孝文初舉秀才累拜河南尹復敕行徐州事尋遷平東將軍徐州刺史延昌二年夏大霖雨川瀆皆溢彥相水陸形勢隨便疏通得無淹漬之害朝廷嘉之頻詔勞勉

慕容紹宗字紹宗晃第四子太原王恪之後也容貌恢毅少言深沉有膽畧以軍功進爵爲公累遷御史中尉屬梁人劉烏黑入寇徐方授徐州刺史執烏黑殺之還除尚書左僕射後卒二軍將士莫不悲惋朝廷嗟傷焉贈太尉謚曰景惠

趙深字彥深南陽宛人北齊神武時累轉東南道行
臺尚書徐州刺史政尚恩信吏人懷之

張晏之字熙德從尗宋榮平元顥賜爵武成子累遷
尚書二千石郎中高岳征潁川復以爲都督中兵
參軍兼記室晏之文士兼有武幹每參帷帳之謀
又嘗以短兵接刃親獲首級深爲岳所嗟賞齊天
保初侍燕文宣晏之作詩云天下有道主明臣直
雖休勿休永貽世則文宣咲曰得卿箴諷深以慰
懷後行北徐州事尋即真爲吏人所愛御史崔暹
武督察州郡至北徐無所案劾唯得百姓所制

德公數省入學曰本求罪收遂聞公聲遷兗州刺史未拜卒贈齊州刺史太常卿

蘇瓊字珍之長樂武強人父備仕魏至衛尉少卿瓊幼時隨父在邊嘗謁東荊州刺史曹芝芝戲問曰卿欲官不對曰設官求人非人求官芝異其對署爲府長流參軍除南清河太守郡多盜賊及瓊至奸盜屏息北齊皇建中賜爵安定縣南徐州行臺左丞行徐州事徐州城中五級寺忽被盜銅像一百軀有司徵檢四隣及蹤跡所疑逮擊數十人瓊一時放遣寺僧怨訴不爲推賊瓊遣之曰但且還

寺得像自送爾後十日抄賊姓名及賊處所經收
掩悉獲實驗賊徒欵引道路歎伏

楊素字處道少落魄不羈人未之識其從祖寬特深
異之周太冢宰宇文護引爲中外記室轉禮曹加
大都督以平齊功加上開府從王軌破陳將吳明
徹於呂梁陳將樊毅築城泗口素擊走之夷毅所
築宣帝即位拜素大將軍遷徐州總管

梁士彥字相如安定烏氏人少任俠好讀兵書頗涉
經史仕周以平齊功封郟國公位上柱國宣帝即
位除徐州總管與王軌禽陳將吳明徹斐忌於呂

梁界定淮南地後除東南道行臺使持節徐州總
管二十三州諸軍事徐州刺史

王軌太原人仕周建德時以破陳將吳明徹功拜徐
州總管軌性嚴重善謀慮兼有呂梁之捷威震敵
境陳人甚憚之

羊規祭酒從事劉義容曹欣之申垣申令孫羊侃張

豹子元秉尉元辛徽元孚高軋杜德元顯李誥郭

逸刁離崔悛高思宗陽斐並州刺史朱超石并土徐達之

內史蕭纘孔伯恭李崇劉杲並都督王蕭崔挺之盧

淵沈保冲並長史薛循義軍鄭據王可久並郡守高孝

行督軍 李崇 韋叔裕 並總 皆無蹟不傳 按劉道隣

護之元愉元鬱高亮任祥並刺史劉義恭鎮彭城

顏師伯主簿祖瑩參軍按傳道隣素無才能畜聚

常若不足去鎮之日府庫為空義季當魏師伯侵

苟規遠害不欲以功勤自業惟飲酒而已文帝嘗

下詔責之護之多聚斂債賄坐下獄免官愉以謀

逆鬱以贖債並坐死亮坐奪商人財物免官祥亦

在州大有受納義恭驕奢不節至除市財民有

通辭求錢者率題原字魏軍北侵輒議棄走師伯

多納債賄妓妾聲樂盡天下之選驕奢淫縱為末

隋

盧昌衡字子均沈靖有才識為徐州總管長史綽有

能名吏部尚書蘇威考之曰德為世表行為世則

長史亦以賄敗 除名今並削之

聞者以為確言

兆和洪源雄伏乞慧

並徐州總管

董純彭城留守

皆無蹟不傳

唐

魏崇字元之陝州硤石人少倜儻尚氣節仕武后以

與誅二張功封梁縣侯實封二百戶移徐州刺史

政條簡肅人為紀德于碑

李光弼營州柳城人嚴毅沈果有大畧肅宗時為都

統鎮徐州惟軍旅事自決眾務悉委判官張傑倖

吏事精敏區處如流由是軍中肅然區夏以寧

張建封字本立南陽人德宗貞元四年以為徐泗濠

節度使鎮徐州政有紀綱雖寬厚不欲貸人以法

所辟僚佐若韓愈李藩許孟容並詳李博馬宿並

蹟不皆一時名士在鎮十年一軍大治十二年入

朝帝不待旦召見延英殿上已賜宰臣宴於曲江

亭特令建封與宰相同榻而坐以示殊寵其還鎮

帝賦詩送之詩曰牧守重所寄才賢生為時宣風

軒慰來思忠誠在方寸感激陳情辭報國爾及使

左右以所持鞭撻之曰鄧節詭歲寒弗渝故用此

為况子惟授右將軍休州刺史知密守尋為武寧

便元和初以疾求代召為工部尚書踰境而
卒治徐七年其政亦以善稱

韓愈字退之張建封辟愈為推官操行堅貞鯁言無

忌其贈建封沐泗交流詩沐泗交流郡城角築場

千步平如削短垣三面繚逶迤擊鼓騰騰樹亦

旗新秋朝涼未見日早早結束來何為分曹夾勝

約前定白馬攢蹄近相映球籬杖奮合且離紅牛

纓綬黃金羈側身轉臂著馬腹霹靂應手神珠馳

迢遙散漫兩閑暇揮霍紛紜爭變化發難得巧意

氣簾謹聲四合壯士呼此誠習戰非為劇豈若安

坐行良圖當今忠臣不可得公馬莫走酒殺賊雉

帶箭詩原頭火燒靜兀兀野雉畏鷹出復沒將軍

欲以巧伏人盤馬彎弓惜不發地形漸窄觀者多

雉鷺方滿勁箭加衝人决起百餘尺紅翎白鐵相

傾斜將軍仰笑軍吏賀五色離披馬前墮莫辭酒

詩莫辭酒此會固難同請看女工機上帛半作軍

人旗上紅莫辭酒誰為君王之爪牙春雷三月不

作嚮壯士豈得來還家
張徐州詩富別愁在顏
貧別愁銷骨懶磨舊銅鏡
畏見新白髮古樹春無花
子規啼有血離絃不甚
聽一聽三四絕世路非一
險俗慮有千結有客步
大方驅車獨迷轍故人韓
與李逸翰雙皎潔哀哉
摧折歸贈詞縱橫設徐方
國東扼元戎天下傑爾
生投刺遊王粲吟詩謂高
情無遺照朗抱開曉月
有抑不埋寬有讐皆爲雪
願爲直草木永向君地
列願爲占琴瑟永向君地
欲識丈夫心曾將寶鏡說

李藩字叔翰少沉靜有檢
行建封辟爲判官建封卒

濠州刺史村兼陰圖代之
疾驅至府藩泣謂曰公

今喪君宜謹守土何棄業
而來不速去當奏劾之兼

錯愕徑歸誣奏藩撼甘其
軍有非望上大怒密詔杜

佑殺之佑素重藩出詔以示
之藩神色不變佑曰慎

無畏吾已用百口保君矣帝復追潘人望其狀貌

曰是豈作亂人邪釋之尋拜秘書郎

許孟容字公範京兆長安人擢進士異等又第明經

調校書郎辟張建封府為掌書記李納以兵拒境

建封遣使論止前後三輩往皆不聽乃使孟容敷

引逆順納即悔謝為罷兵表為濠州刺史德宗知

其能召拜禮部員外郎孟容方勁有理學每所折

衷咸得其正好提掖士類清議尚之其京兆人杜

書記志載其名按傳兼性浮險尚豪侈張建封表

置其府積勞為濠州刺史德宗既厭兵大抵刺史
重代易至歷年不徙兼探帝意謀自固即修武備
募召勁兵三千帝以為才遂橫恣僚官韋實陸楚

皆有其美譽論事忤兼誣刻以罪殺之衆莫不冤又
安擊李令狐運陷李藩欲殺之行迹無耶今削去

李鄴字建侯初李懷光辟致幕府懷光反河中鄴與
其妻陷焉懷光嚴兵召問之鄴詞氣不撓三軍爲
感動光不殺囚之河中平罷歸洛會徐州張建封
卒兵亂囚監軍迫建封子愔上軍務帝以鄴剛敢
拜宣慰使持節直入其軍大會士卒喻以禍福出
監軍獄中脫桎梏使復位衆不敢動後以太子少
傅致仕卒

王紹先名純自太原徙京兆之萬年少爲顏真卿所
器字之曰德素德宗時由員外郎判務歷官戶部

尚書順宗立拜兵部尚書出爲東都留守元和
初檢校尚書右僕射爲武寧軍節度使復以濠泗
二州隸其軍自張愔後兵驕難治紹蒐輯軍政推
誠示人裨將安進達唐重靖謀亂紹以計取之出
家貲賞士舉軍安賴復拜兵部尚書判戶部卒年
七十七

薛元賞大和初自司農少卿出爲漢州刺史會維州
降西川節度使李德裕受之以聞牛僧孺沮其議
執還之元賞上書極言可因撫之潰虜膺腹不可
失不省段文昌代德裕狀元賞治當最遷累司農

鄉京兆尹出為武寧節度使罷泗口猥稅人以為便

盧弘正字子疆累擢監察御史拜工部侍郎以戶部領度支出為武寧節度使徐自王智興後吏卒驕恣弘正戮其尤無狀者終弘正治不敢譁優詔褒勞弘正羸病馬身還東都不許尋徙宣武卒于鎮

遷尚書右僕射

田牟大中間上以牟嘗鎮徐州有能名復詔為武寧軍節度使代康季榮一方遂安

崔彥曾齊州人咸通初繇太僕卿為徐州觀察使廳

勛反或勸彥曾奔兗州彥曾曰我方帥也奉命于
此惟有死爾斬議者一人號于衆俄而勛傳城彥

曾悉誅賊家屬勛超墉入囚彥曾大彭館尋殺之

先是蠻寇五管陷交趾詔節度使以八百人戍守
桂林三年更至期彥曾乃徇親吏尹戡徐行儉

之言請代弗與復留屯一年於是戍者怒殺都將
彥用官廳勛為將合衆千餘鼓噪而進矣故論者

謂彥曾雖死於義
而妻亦其自召天

廷皓咸通中署崔彥曾幕府龐勛反以刃脅廷皓

使為表求節度廷皓給曰當為公信宿思之乃歸

與妻子訣明日勛索表佑答曰我豈以筆視事汝

邪其速殺我勛熟視笑曰儒生有膽邪吾勳衆自

萬無一人草檄乎殺之時焦路李松崔蘊柳泰盧

宗嗣韋廷範同為幕府寮官並遇害詔贈官有差

錄其子

時溥初為感化牙將遷留後尋為節度使有討黃巢

功後朱全忠遣其子友裕攻之戰於石佛山前溥

敗闔門登燕子樓自焚死

任壞大總柳雄司霍王元軌高明應盧齊賢蘇洗張

廷範論瑀並刺李洧刺史兼崔玄刑部侍郎王憲

馬司柳子夏長李愿李愬李廓崔羣崔拱康季榮薛

能温璋王式支詳並節王智興節度李商隱字書

李達先白季唐城令皆無蹟不傳德志

討使非常設治徐者不書

五代

劇可久字尚賢涿州范陽人後唐同光初趙鳳薦於朝補徐州司法可久沉毅方正明律令以幹職聞召為大理評事累遷大理卿可久在廷尉四十年用法平允時稱不寃

侯益汾州平遙人天福四年晉祖追念虎牢之功遷武寧軍節度同平章事中侍謂益曰朕思卿前年七月九日大立戰功故復以此月此日徙卿鎮彭

門領相印九月徐州大火益出金粟賑之

王周仕晉歷四鎮皆有善政漢高祖入立徙鎮武寧

軍

劉贇管陽人後漢高祖弟崇子也高祖愛之以爲已

子初爲徐州節度使及隱帝遇害周太祖入京師

見漢廷大臣無推立意乃爲太后誥遺太師馮道

迎贇嗣位贇以鞏廷美爲都押衙楊溫爲教練使

守徐州贇行至宋州太祖自澶州爲兵士擁還京

師既監國太后乃下誥降贇開府儀三司上柱國

封湘陰公竟以幽死廷美等聞贇不得立乃閉城

拒命廣順元年王彥超克徐州廷美等見皆終

史云贊於漢非嫡長特以周氏移國畏天下而避之故假贊以伺間爾當是之時天下皆知贊之必

不立也然廷美溫區區為贊守孤城以死其始終之迹何媿於死節之士哉

王晏徐州滕縣人仕周為武寧軍節度使境內清肅

徐人奏為立碑許之

高錫武寧軍節度使吳巒掌書並無蹟不傳寇彥鄉感化軍節度使按傳彥

鄉怙寵作威好誅殺多猜忌今削之

宋

夏竦字子喬江州德安人累官至宰相尋改樞密使

出知河南府未幾赴本鎮加兼侍郎饗明堂徙武

寧軍節度使每朝廷錫賚與輔臣等將相居外遇
大禮有賜自竦始

曹彬爲侍中武寧軍節度使知徐州彬性仁愛有吏
罪犯既具案逾年然後杖之人問其故彬曰吾聞
此人新娶婦若杖之彼其舅姑必以婦爲不利而
惡之朝夕笞罵使不能自存吾故緩其事而法亦
不赦也

傅堯俞字欽之鄆州人知徐州前守侵用公使軍錢
堯俞代償之未足罷去後守顧移文追償堯俞復
償之久之鈎考得實堯俞竟亦不辯司馬光

嘗謂邵雍曰清直勇之德人所難兼吾於欽之身
焉雍曰欽之清而不耀直而不激勇而能溫是以
難耳

孔道輔字原魯幼端重舉進士歷官知徐州性鯁挺
特達遇事彈劾無所避出入風采肅然權貴忌之
孫沔字元規越州會稽人知徐州時京東多盜沔明
曠嘗嚴誅罰盜爲止息

王洙知徐州時京東饑朝廷議塞商胡賦挺新輪半
而罷塞洙命更其餘爲穀粟誘願輸者以鋪流民
因募其壯者爲兵得千餘人盜賊衰息有司上其

治爲京東第一

曾肇知徐州仁厚謙和至於親故犯法未嘗寬宥公
餘著書不輟更十一州類多善政

蘇軾字子瞻蜀眉山人士神宗時守徐河決曹村泛漲
山溢于南清河軾慮水爲害預使民治具爲備未
幾水及城下城將敗富民爭出避軾曰富民出衆
皆動搖吾誰與守吾在是水決不能敗城驅使復
入詣武衛營呼卒長曰河將害城事急矣雖禁軍
且爲我盡力士卒亦咸感勸效命持畚鍤以出築
東南長堤首起戲馬臺尾屬其城雨復晝夜不止

城不浸者三版軾廬於城上與城存亡使官吏分
堵以守卒全其城方水之至漂溺者蔽川而下北
者攀陵丘殍死林木軾使載糗糧濟之活者無算
軾復請調來歲夫增築故城為木岸以虞水之再至
朝廷從之水既去乃築樓城上聖用黃土從水所
不勝以厭之事聞朝廷下勅獎諭軾文章政業為

宋名臣卒謚文忠其在徐有上皇帝書書曰臣以庸材備員

州府出守兩郡皆東方要地私竊以為守法令治

文書赴期會不足以報塞萬輒伏思念東方之

要務陛下之所宜知者得其一二章具以聞願
陛下擇焉臣前任密州所建言自古河北與中原
離合常係社稷存亡而京東之地所以灌輸河北
銛竭則壘耻唇亡則齒寒而其民喜為盜賊為害

最甚因爲陛下畫所以待盜賊之策及移守徐州
觀覽山川之形勢察其風俗之所移而考之於載
籍然後又知徐州爲南北之襟要而京東諸郡安
危所寄也昔項羽入關既燒咸陽而東歸則都彭
城夫以羽之雄畧捨咸陽而取彭城則彭城之險
固形勝便足以得志於諸侯者可知矣臣觀其地
三面被山獨其西平川數百里西走梁宋使楚人
開關而延敵材官騶發突騎雲從真若屋上建瓴
水也地宜菽麥一熟而飽數歲其城三面阻水樓
堞之下以汴泗爲池獨其南可通車馬而戲馬臺
在焉其高十仞廣袤百步若用武之世屯千人其
上聚櫺木砲石凡戰守之具以與城相表裏而積
三石糧於城中雖用十萬人不易取也其民皆長
大膽力絕人喜爲剽掠小不適意則有飛揚跋扈
之心非止爲暴而已漢高祖沛人也項羽宿遷人
也劉裕彭城人也宋全忠瑒山人也皆在今徐州
數百里間耳其人以此自負雄桀之氣積以威
魏太武以三十萬衆攻彭城不能下而王智興
守之固材盜雖於徐州是亦不能討豈非以其地
守之利人卒勇悍故取州之東北方六十里即利

治戶皆大家裁鑄巨萬常為盜賊所窺而兵衛
寡弱有同兒戲臣中夜以思即為寒心使劇賊攷
死者十餘人白晝入市則守者皆棄而走耳地既
產精鐵而民皆善鍛散治戶之財以孺召無賴則
烏合之眾數千人之仗可以一夕具也順流南下
辰發已至而徐有不守之憂矣使不幸而賊有過
人之材如呂布劉備之徒得徐而逞其志則京東
之安危未可知也近者河北轉運司奏乞禁止利
國監鐵不許入河北朝廷從之昔楚人忘弓不能
忘楚孔子猶小之况天下一家東北二治皆為國
典利而奪彼以與此不亦隘乎自鐵不止行治戶
皆有失業之憂諸臣而訴者數矣臣欲因此以征
治戶為利國監之翰屏今三十六治治各百餘人
採鑛伐炭多饑寒亡命殫力驚恐之民也臣欲使
治戶每治各擇有材守而忠謹者保任十人籍其
名於官授以劔刃刀槊教之擊刺每月兩班集於
知監之庭而閱試之裁其外於官以待大盜不得
後使犯者以違制論治戶為盜所擬久矣民皆知
之使治出十人以自衛民所樂也而官又為除近

日之禁使鐵得北行則治戶皆徐而聽命姦猾破
膽而不敢謀矣徐城雖險固樓櫓救惡又城大而
兵火緩急不可守今戰兵千人臣欲乞移南京新
招騎射兩精揮於徐此故徐人也嘗屯於徐營壘
材石既具矣而遷於南京固時轉運使分東西路
畏餽餉之勞而移之西耳今兩路爲一其去來無
所損益而足以爲徐之重城下數里頗產精石無
窮而奉化廂軍見闕數百人臣願募石工以足之
聽不差不出使此數百人者常採石以甃城數年
之後舉爲金湯之固要使利國監不可窺則徐無
事徐無事則京東無虞矣沂州山谷重阻爲逋逃
淵藪盜賊每入徐州界中陛下若採臣言不以臣
爲不肖願復三年守徐且得兼領沂州兵甲巡檢
公事必有以自效京東惡盜多出逃軍逃軍爲盜
民則望風畏之何也技精而法重也技精則難敵
法重則致死其勢然也自陛下置將官修軍政士
皆精銳而不免於逃者臣常考其所由蓋自近歲
以來部送罪人配軍者皆不使役人而皆使禁軍
士當部送者受牒即行往反常不下十日道路之
費非取息錢不能辦百姓畏法不敢償債亦不阿

得惟所部將校乃敢出白志錢與之歸而刻其
賜以故上下相持軍政不欲形博奕飲酒無所不至
窮苦無聊則逃去為盜臣自口至徐即取不係省錢
百餘千別儲之當部送者居里遠近裁取以三月刻
納不取其息將吏有敢侵自心錢者痛以法治之然
後嚴軍政禁酒博比募年上卒皆飽煖練熟技藝
等第為諸節之冠陛下遣勅使按闕所具見也臣
願下其法諸郡推此行之則軍政修而逃者寡亦
去盜之一端也臣聞之漢相王嘉曰孝文帝時二
千石長吏安官樂職上下相望莫有苟且之意其
後稍稍變易公卿以下轉相促急司隸都刺史發
揚陰私吏或居官數月而退二千石益輕賤吏民
慢易之知其易危小失意則有離叛之心前山陽
亡徒蘇合縱橫吏士臨難莫肯有伏節死義者以
守相威權素奪故也國家有急取辦於二千石二
千石尊重難危乃能使下以王嘉之言而考之於
今郡守之威權可謂素奪矣上有監司伺其過失
下有吏民持其長短未及按問而差替之命已下
矣欲督捕盜賊法外求一錢以使人且不可得盜
賊覓人情重而法輕者守臣輒配流之則使所在

法司復按其狀劾以失入惴惴如此何以得吏士
死力而破奸人之黨乎由此觀之盜賊所以滋熾
者以陛下守臣權大輕故也臣願陛下稍重其權
責以大綱畧其小過凡京東多盜之郡自青鄆以
及徐沂齊曹之類皆慎擇守臣聽法外處置強盜
頗賜緡錢使得以布設耳目蓄養爪牙然緡錢多
則難常少又不足於用臣以爲每郡可歲別給一
二百千使以釀酒凡使緝捕盜賊得以酒予之敢
以爲他用者坐贓論賞格外歲得酒數百斛亦足
以使人矣此又治盜之一然此皆其小者其大者
非臣之所當言欲默而不發則又私自念遭值陛
下英聖特達如此若有所不盡非忠臣之義故殊
死復言之昔者以詩賦取士今陛下以經術用人
名雖不同然皆以文詞進耳考其所得多吳楚閩
蜀之人至於京東西河北河東陝西五路蓋自古
豪傑之場其人流鶩勇悍可任以事然欲治聲律
讀經義以與吳楚閩蜀之士爭得失於毫釐之間
則彼有不止詭已故其得人常少夫惟忠孝禮義
之士雖不得志而不失爲君子若德不足而才
餘者困於無用則無所不至矣故臣願陛下

五路之士別開仕進之門漢法郡縣秀民推擇爲
更考行察廉以次遷補或至二千石入爲公卿占
者不專以文詞取人故得士爲盛黃霸起於吏卒
史薛宣奮於書佐朱邑選於嗇夫丙吉出於獄吏
其餘名臣循吏由此而進者不可勝數唐自中葉
以後方鎮皆選列校以長牙兵是時四方豪傑不
能以科舉自達者皆爭爲之往往積功以取旄鉞
雖老姦巨盜或出其中而名卿賢將如高仙芝封
常清李光弼來瑱李抱玉段秀實之流所得亦已
多矣王者之用人如江河江河所趨百川赴焉蛟
龍生之及其去而之他則魚鱉無所還其體而鯢
鯢爲之制今世胥吏牙校皆奴僕庸人者無他以
陛下不用也今欲用胥吏牙校而胥吏行文書治
刑獄錢穀其勢不可廢鞭撻鞭撻一行則豪傑不
出於其間故凡士之刑者不可用而用者不可刑
故臣願陛下採唐之舊使五路監司郡守共選士
人以補其牙職皆取材力有足過人而不能從事
於科舉者祿之以今之庸錢而課之鎮稅場務督
捕盜賊之類自公罪杖以下聽贖依將校法使長
吏得薦其才者第其功閱書其歲月使得出仕比

任子而不以流外限其所至朝廷察其尤異者擢
 用數人則豪傑英偉之士漸出於此塗而姦滑之
 黨可得而籠取也其條目委曲臣未敢盡言惟陛
 下留神省察昔晉武平吳之後詔天下罷軍後州
 郡悉去武備惟山濤論其不可帝見之曰天下名
 言也而不能及水寧之後盜賊蜂起郡國以無
 備不能制其言乃驗今臣於無事之時屢以盜賊
 為言其私憂過計亦已甚矣陛下縱能容之必為
 議者所笑使天下無事而臣獲笑可也不然事至
 而圖之亦晚矣又答范祖禹詩吾州下邑生劉季
 誰數區區張與李重瞳遺跡已塵埃惟有黃樓臨
 泗水而今太守老且寒俠氣不洗儒生酸猶勝白
 門窮呂布欲將鞍馬事曹瞞又祈雨青詞河失故
 道遺患及於東方徐居下流受害甲於他郡田蠹
 漂蕩父子流離饑寒頃什於溝坑盜賊充盈於狂
 獄人窮計迫理極詞危望二麥之一登救饑民於
 垂死而天未悔禍歲仍大荒亦未落而旱已成冬
 無雪而春不雨煙塵蓬勃草木焦然今者麥已過
 期獲不償種木未入土憂及明年臣等恭循舊章
 定羣聖意水旱之有數非四鬼神得專是用稽

事神不恭以獲災於上下臣實有罪罰其敢辭
民無知大命近止願下雷霆之詔分勅山川之神
朝臍寸雲暮洽千里使歲得中熟則民猶小康又
祭枯骨文嗟爾二亡者昔惟何人兵耶堪耶誰其子孫雖
不可知孰非吾民暴骨累累見之酷辛為卜廣宅
尚穴竟溫相從歸
安各反其真

徐起舉進士累遷徐州轉運使募富室得米十七萬
斛賑餓殍又移粟三百萬以贍河北京

趙及字希之舉進士歷官知徐州和厚謙退內行尤

篤所治有聲民吏愛之海聖俞送及詩康車幾兩
馬幾匹軫建木播騎發弓

雨過短亭雲斷續鶯蹄高柳路西東呂梁水注千
尋險大澤龍歸萬古空莫問前朝張僕射毬塲細

草綠
蒙蒙

杜純字孝錫濮州甄城人少有成人之操元佑間知徐州作明善堂自爲記講明義理以淑人心

孫覺字莘老高郵人登進士第歷知亮揚徐州徐多盜捕得殺人者五其一僅勝衣疑而訊之曰我耕於野與甲遇強以挺與我半夜挾我東使候諸門不知其他也問吏法何如曰死覺止誅其首而釋之後遂爲例

馬默城武人舉進士以寶文閣待制再知徐州默長於治民政績稱最

張亢臨濮人少有奇節舉進士歷官爲徐州總管

施輕財人樂爲用馭軍嚴明所至有聲蹟民圖像
祠之

李昭玘字成季濟南人少與晁補之齊名爲蘇軾所
知擢進士第徐州教授守孫覺深禮之每從容講
學及古人行已之要相得驩甚

王達字仲達濮陽人累官遷尚書兵部員外郎徐州
知州時大饑達百方賑恤多所全活

王復知徐州金人圍城復與子倚劄力戰守久之外
援至城陷堅坐廳事曰死守者我也願殺我而舍
僚吏百姓金人欲降之復嫚罵求死闔門自口皆

被殺其帳下趙立巴奪門出又潛入求復屍親爲
掩之事定趙立奏爲復立忠烈廟於楚州謚壯節
時教授鄭褒巡檢楊彭年亦憤激罵敵死之

楊時字中立將樂人熙寧間進士調汀州司戶叅軍
不赴杜門績學久之調徐州司法歷知劉陽餘杭
蕭山三縣皆有惠政民思之不忘

高繼冲陳洪進王德用並武寧軍節度使王明范鏞並掌書記呂

公綽梁鼎劉奉世孫宗翰呂溱任顥李虛已吳元

扈徐處仁楊繪並知徐州李溥監徐州趙禹推官李迪傳

楊路政王逢施昌言並徐州通判皆無蹟不傳

金

元顏仲德本名忽斜虎合懶路人有文武才泰和三年登進士第貞祐用兵辟充軍職嘗爲大元兵所俘不踰年盡解其語尋率諸降人萬餘來歸宣宗召見奇之授邳州刺史兼從宜增築城壁匯水環之州由是可守哀宗即位遙授同知歸德府事同僉書樞密院事行院於徐州徐州城東西北三面背黃河而南獨平陸仲德疊石爲基增城之半復浚隍引水爲固民賴以安後因城破赴水死仲德平生喜怒未嘗妄發聞人過常諱之雖在軍旅手

不釋卷其掌軍務賞罰明信號令嚴整故所至軍
民爲用即危急無一異志者南渡以後將相始終
無瑕仲德一人而已

宅顏賽不始祖弟保活里之後也初補親衛軍歷官
山東西路兵馬都總管兼武寧軍節度使至大間
詔行尚書省事於徐州初源徐交攻郭野驢者每

降塞不弗從至是投河求死軍士援出之又九月

自縊于州

張敬正學高彪幹勅合打並武軍使皆無蹟不傳上德全

單兀典代行首事按傳郭仲安謀亂宿州德全寔

賜之乘璫魚臺之亂不從計罪又貪功也殺曹

四十八人計以救蕭敗蹟見誅兀典性深刻妄大

自尋過得君論單不少假債及徒單百家鄭西

之敗等之籍沒為罪首勝於簡今所削之

元

燕只吉臺徹理世但特為徐州達魯花赤崇尚經術

周知民情鋤強翼弱吏民畏而愛之

三寶住登辛丑進士性廉介所至搏貪猾無所貸以

江浙行省郎中爲徐州兵馬司指揮

孔武

觀察副使

侯康濟

耿廷端

同知

並無蹟不傳

國朝

文景宗廬州合肥人

國初自婺源州同知來知州

事庶介有守時天下初定瘡痍未息民多流離景

宗盡心招徠賑貸勸督農桑民始有生氣賴以安

集惠澤最爲深厚歷任久創建州治公署壇墀祠

廟與舉學校民不勞而事集遷濟南知府

劉秩字伯序江西豐城人吳元年由內翰典籤檢閱

經由官出爲徐州同知文正政事皆見稱當時

徐州文景宗協力修政尋召入議大補進知
明州民爲立生祠有詩集行於世

馬良蘇州崑山人洪武初以薦授徐州衛知事明習

法令糾繩軍政上下咸服嘗與指揮蔡祥協建衛

治後以德慶州同知其孫紀遂占籍於徐子姓蕃

實爲徐右族文獻世著云

楊節仰湖廣樊城人洪武戊寅以薦授知徐州守已

受民獎進士類其政一以厚風俗爲務會郡大瀛

節仲遣醫四出療治其貧不能具藥物者則捐俸

製劑給之在任六年政化大洽秩滿當遷屬邑各

上流乞留弗得陞大理知府去州人思之

段實武末以中官守徐俄有異人報兵變言以九
里山大起為候實囚異人陰為戰守備至期兵果
至以城中有備攻弗克引去民賴無虞又有毛姓
者亦中官與實同守惜其名逸不傳實有保境安
民之蹟宦者本不足錄第其政治
為徐人傳頌故得別傳云

趙疊字秉裏鳳陽虹縣人其父兄皆以忠死葬由永

平衛指揮僉事遷徐州衛指揮使歷陞北平都司
都指揮使洪武末以靖難功進封榮祿大夫柱國

忻城伯永樂十三年鎮徐政令嚴明處心平

咸畏愛之

楊秘山西遼州人宣德己酉知徐州多惠政大得民心郡中公署廟學悉爲增飭秩滿當代屬邑乞留詔增秩任如舊先後凡十八年雖不事炫耀而陰惠洽人徐民至今頌之不衰

宋驥浙江餘姚人宣德癸丑爲徐州學正處諸生恩義藹然勤於教誨善作人一時士出其門者類多成立

王竑字公度湖廣江夏人陝西河州戎籍也以僉都御史巡撫地方宣德震威汚墨者一時望風解去

景泰癸酉徐州洎蕭沛諸邑歲大饑疫民口就死

徙竑憂甚亟今有司發粟賑借又令設糜製藥餌

食療貧病賴以全活者數十萬餘又請班降詔

文遣祭境內羣神竑率屬秉虔為壇郊外祭告之

災癘浸消民始蘇息竑嘗行部至徐賦苦雨詩二

童憂民之志藹然言意詩曰方春正二月又苦雨

不禁添成憂國恨滿碎為民心願借西風力凌

空掃積陰又詩曰兩月連陰雨羈懷倍慘然有身

當報國無力可回天凍水傷農業寒尋進副都

御史罷去民思之如慕父母天順中復召起巡撫

故地徐人聞其至老弱扶僇迎候道路者以數餘

司等相擁入行臺以次進謁踰三日猶未已其
見德於徐人如此尋遷兵部尚書乞病歸

十歲景泰中由劔州

知州改任時遭饑癘巡撫王竑多方振捄之誠以
長吏協心其濟與有功焉州故孔道繁劇吏率怠
惰多廢事不治誠絕督嚴厲弗少假借久之政務
修舉吏民畏服署宇祠廟學校自廢其典又以政
暇修纂郡志徐文獻寔賴之遷叙州知府

張德瑄福建侯官人景泰中爲州學正守正不阿爲
有司所見重人或懷白金求爲請託者輒赧然麾

去人以此多之

王叙字大倫山西臨汾人初仕爲兗州通判天順中遷知本州廉潔自持一介不妄取蒞政嚴明事凡利於民者輒發給任之尤篤意學校廢墜多所修舉遷慶遠知府

陳廷璉字宗器湖廣攸縣人成化中以進士知州事才識通敏善獎成士類敦勸風俗治蓋得其大者遷南京刑部員外郎歷官延平守

應廣平浙江黃巖人成化中爲州學正端慤不苟善立教規臨諸生無疾言遽色以憂去士追思之

和字廷瑞山西平定人成化中由舉人除知州事
性纓介不阿恒以廉慎儉約自持遇事有定見不
爲遷就初以方執迂監司久之並加敬信焉衛伍
事赴愬者悉爲聽皆獲平反武胄聞而嚴憚之在
任八載深得民心遷襄陽守去

沈全和字尚中浙江烏城人成化中同知州事清介
有守臨民不縱不苛在任九年遷州守去

汪舜民婺源人弘治末以山東副使按徐廉介剛正
門無私謁臨下以和至論法則不爲假貸惠威並
著時按屬官吏無敢侵漁部下者值歲饑多方採

民仍白之撫院發粟賑濟全活者萬餘人

李珏字廷重直隸開州人正德末任兵備副使性平
恕遇事敏決案無稽牘時山東逆賊王堂掠及豐
沛境珏調集驍勇令所持旗幟以李兵爲號拒賊
賊大敗遁去山東河南二省將官率兵勦捕皆假
李號旗幟賊望見亦輒走其威望如此州學宮後
有汚池二區深廣數十丈珏見曰文明之所可令
沮洳若是邪遂命輦土實之仍增舊高廣至今士
民懷之

樊學
正德中知州事廉介疆立不怵懼

勢政務節省先是中貴督廣運倉儲左右恣肆莫
敢誰何準至一以法繩之無敢犯會進鮮中使橫
索州驛遞供應不貲準廉其挾附私物狀輒裁抑
之尋被誣逮繫老幼號泣相隨送者幾萬人抵京
事白得調任歷官山東按察僉事

張進字本豫義勇前衛人正德中知州事守已愛民
時 駕南幸民惶懼皆思窟匿進與判官董相慰
撫民庶一切以身當之悉心經畫雖供億不貲無
秋毫擾衆民賴以安

胡崇易四川墊江人正德中爲州學正動履端肅率

名州志卷之四
九二
人皆以矩矱出其門者多譽髦今士猶思其遺風
焉

王重賢直隸交河人性剛毅鯁介有執持初仕爲御
史以敢言落職嘉靖中再遷知州事政崇儉朴與
民休息州故以里役司直糜費不經豪猾緣以掊
克大爲民病重賢至議罷免之其所供應取諸贖
金以亭老司之民秋毫無擾翕然稱頌性嚴於疾
惡時有僚佐黷濫以結納怙肆當道莫能祛重賢
因入覲考察力白銓部罷去之徐人感其爲民斂
害焉遷東昌同知歷官江西按察僉事以疾免歸

魚字子魚廣東順德人嘉靖庚寅任兵備副使州
故有驛館夫役爲民厲階久患苦之莫有革者鰲
爲議罷其役歲省民財殆以萬計人以此德之
孫光浙江蕭山人嘉靖中知州事性謹厚仁愛痛裁
冗濫約已愛民如里甲徭役悉爲更定務從節省
民大獲惠焉

頃情江西德興人嘉靖中爲州判官已愛民不苟
取嘗自秋徂冬不雨民皇懼無計鰲徒跣爲民祈
雪正日卓午方出武寧門雪驟降鰲積至盈尺人
咸爲精誠所格益歸德焉

周易廣東番禺人嘉靖甲辰舉人爲州學正有志操
矩矱端嚴好善疾惡不爲教人以行誼爲先
講論覺覺不懈有復報也以濟諸生貧者疾卒於
徐徐士惻惻如喪考妣相與歛之如禮更求得其
鄉之賢大夫附櫬歸葬焉

吳嶽山東汶上人由進士以戶部主事監理徐庾飲
冰餐檠視利若仇不爲外物所黷染嶽性雖清約
而與人無畔岸人樂親就之尤能加惠於庠校增
築土山建躡雲亭於學宮之北以增玄武之勝時
進諸生而談道藝意氣藹如也聲聞獵獵薦味

階仕終南吏部尚書至清風古道推當時第一
楊宜直隸衡水人由進士嘉靖中以名御史督學正
身率物風采凜然所錄士悉登上第徐在按中夙
荷甄就尋擢僉都御史或議其驟已西調徐道兵
備副使先是徐有市民快手八百餘人實為冗役
宜下車甫三日即為裁革散之歸農又諸不便於
民者皆芟夷之秋試倡諸生於書院程文藝
遠聘 留都名士為會綱而且復時過講校一切
供億取諸本道刑贖毫無他擾已而諸生果有脫
穎者他如併商行以一稅法 賑浮橋以利徒行辦

疑獄七人以全無辜善政種
居五月遷河南參
政去仕終南京兵部侍郎

何源江西廣昌人由進士以工
部主事出署呂梁洪
性端凝介直若秋水霜遇事
剖析疾於迎刃御羣
下未嘗少假辭色而器慢無
經之弊悉爲裁削洪
民有犯科武斷者源繩以法
無少貸風猷赫然

姚體信浙江平湖人由嘉靖丙
辰進士任工部都水
司主事四十年間督理徐州洪
體信不繕性不滑
欲夷曠平易與人不設機防
人有一善敬且愛之
契誼藹如也居徐者三越歲
盡爰恒例釐別風

商民嘖嘖稱便於州縣一無所擾與諸執事相接
常屈已推誠時謂其玄風高節不愧古人云

朱衡江西萬安人由進士嘉靖四十四年漕河淤餉

道阻衡以工部尚書奉命勘處河務周歷至徐

會洪水兼天荼毒下土衡乃痛陳民間疾苦狀

上覽奏動容時外帑告絀出宮眷銀若干大溥

賑恤民獲更生衡中有經畧有才猷開鑿新河轉

輸萬國國計攸賴至請賑一事尤得徐人心徐人

為請於兵備舒應龍知州劉順之建記事碑於東

城之闔以志不忘

徐節山西臨汾人由進士任兵備副使儻有爲志
節兼勵故事驛馬驢騾皆辦之富室分給各驛以
供迎送守者既不加意芻牧而役使又復不均畜
輒斃斃則責富室補償之與茲役者多被家損軀
節廉知之酌爲良法定上中下之直若干聽各驛
卒自買肥羸生死咸不問其差遣之序周而復始
民籍籍稱便其裁革石山冗驛主議開鑿新河足
國便民實難枚舉

劉經緯江西進賢人舉進士隆慶二年任兵備副使
才識精明狷介絕俗而猶以文學稱每蒞輿諸生

講論聲不倦而皆根極理要至於優卹軍士談
處班夫威惠兩懋尋以憂奪行李瀟然屬州邑慮
無以瘞葬事乃覈贖鍰敷敷之竟辭不受

翁大立浙江餘姚人由進士任理河都御史隆慶改

元徐大水室廬禾黍蕩然無存少壯老羸幾填巨

壑大立憂甚倣鄭俠故事繪圖以進時 穆宗皇

帝偶有觀燈採珠之癖諫官有言及者輒賈禍大

立上疏曰願 陛下以觀燈之心觀臣之圖以採

珠之心採臣之言疏入不下中外爲翁危之既而

有 旨發粟賑民歸德焉按徐蒞學見學宮圯

下水且以庾址之風氣攸聚乃謀於計部使者朱
光宇易庾爲學規度翼然皆其經書諸生以其大
有功于文教建祠於泮宮祠之

爲敏功浙江平湖人由進士隆慶三年任兵備副使
心蘊中和而才復練達當其時洪水濟泮父子不
相保敏功懇懇請賑許之諸賦役不便於民者一
切停罷與民休養其督理河防至竭心力徹騶從
忘寒暑往來於洪波草野中未嘗告勞新學之建
實敏功之贊成又復捐俸貲助尋遷山東叅政士
民不忍忘既爲建祠于學又祠于南城東隅

朱光宇河南祥符人由進士策爲民部主事夙馳德
聲被命出督徐庾庾之隱弊剗革殆盡雅尚儉
約恂恂若儒素日用飲食惟取辦於常俸於世澹
然無所嗜先是州學地卑且非風會之鍾堪輿家
深以永福倉之基爲善部使者恒靳弗與諸生因
光宇崇儒重道復以請光宇曰庾足以廣儲蓄而
已不必善地使真可以昌人文宜速易之遂以地
爲今學惠至渥也尋以代去諸生戴之爲建生祠
於學宮內與翁大立馮敏功章世禎劉順之並以
隆其報

林維傑廣東番禺人由舉人嘉靖二十九年署徐教
事資性近道勸止谷方啓廸恒疊疊不倦而尤以
身教爲先人有餽遺多卻不受其自處則栩栩若
寒士也蒞事甫三月即以憂奪諸生垂涕泣而送
之迄今尤思慕其教澤

王宗沐浙江臨海人由進士萬曆初任總漕都御史
性爽朗而學更淵博蘊經濟才故事漕舶以五月
渡淮漸次踰兩洪時則洪水汎濫不推洪夫之牽
挽告功而往往淪沒重爲徐方累宗沐特疏請於
正月起運期至春末則過洪入茶城安流而涉轉

無虞人皆服其知大計云徐力役之征者多備
弊凋殘滋甚宗沐隱之立條鞭法因丁因地輸財
顧後貧富無失均之嘆甲戌歲海嘯河溢徐之州
邑水變異常宗沐乃愧疏乞憐願留漕糧賑濟

上特允之顛連無告之民得此更生又冒風雪按
徐親爲撫循仍撰祭章示有災郡縣於元旦祀羣
神告社稷以禳災祈年徐人戴宗沐德最爲深重
劉順之廣西馬平人由舉人隆慶六年任徐州知州
廉介端嚴精明敏練剖應劇務如響尤豐豐不倦
徐頻年被水凋殘順之殫心幹濟築張村站堤塞

房村決口虞水潰城創四周護堤如帶遍歷郊野
問民疾苦狀力行條鞭法裁定賦役請賑蠲恤至
鬻庠新遷未集順之復日視工程倏成完學若置
二義祠于臺頭山巔建皇華亭于子房山下廣立
傳舍于節屋間又其餘事故徐癸酉春及秋不雨
順之兩禱輒應越明年火延城樓拜之即滅惟神
亦應居四年百度具飭旌者凡三十檄而薦牘又
十三上遷瓊州府同知百姓爭赴保留及不獲則
士祠于學民祠于社已而當路疏留佐淮防河徐
人尤常往謁之蓋誠不能忘云

蕭縣

周

舊志還無社大夫朱高子哀封人蹟無足述今並削之蕭叔大心無蹟不傳

漢

費沅吳興人以孝友聞仕為蕭令在邑多善政蠲不入境

災熾蕭縣令守法不假貸司徒韓演為丹陽太守坐從兄季朝為南陽太守刺探尚書演法車徵以非身中賊釁道路聽其從容至蕭熾演同歲也未至謂其賓從到蕭乃一相勞而熾內之狴計堅其鑲

挺弓將兵馬送之出境從事汝南閻符迎之於梓
秋相得令止傳舍解其桎梏入與相見爲致修具
曰明府所在流稱今以公徵往便原除不宜深入
以介意氣過於所望到亦遇赦其間無幾演爲沛
相斌去官乃臨中台首傳符焉

劉良應劭並蕭令無蹟不傳

隋

劉高彭城人爲蕭令有惠政大業之末長吏多賊汚

高
清節逾厲風教大洽獄無繫囚爲吏民所稱

唐

宋中禮字過庭事繼母徐為至孝補蕭縣主簿會大旱井池涸田蕪疾非泉水不適且思禮憂懼且禱忽有泉出諸庭味甘寒日不乏汲縣尉郝某刻石頌其事

孫溥蕭縣無蹟不傳

宋

張惇紹聖三年為蕭縣令行峻言直不畏強禦

惇君嘉佑六年以尚書虞部員外郎知蕭縣嘗作清

心亭曾與南豐為記見公署

孫文紹聖五年為蕭縣令政通人和邑人實河欲遷

學舍請於文文主成之

元

耶律廷瑞至元丁丑為蕭縣尹捐已資改建學宮十
風一振

馬徹里西夏人大德間為蕭縣達魯花赤有果斷才
能捍水患

完哲篤字仲玉至正間為達魯花赤政廉賦平吏民
懷戢行部所至一飯必酬其直

國朝

齊福東湖廣石首人洪武中為縣丞廉潔不苟蒞事

公平吏民畏服之以治最聞遷知嘉定去

鄭恕浙江仙居人革除間由訓導遷知蕭縣約已惠
民蒞政不苟靖難兵壓境恕抗節不屈死之

郝玘山西吉州人初由國子生仕爲興史以廉能著

遷邯鄲令調知碭山所至政教修明民懷其惠隣

邑皆慕之以憂去永樂初服闋謁選京師蕭父

老陳情乞爲蕭令聽之治蹟視碭益著

閔悌廣西橫州人起家進士成化中左遷縣丞律已

厚下蕭民宜之奏請爲令尋陞韶州府同知去

俞諫浙江桐廬人嘉靖初任巡撫副都御史時山東

盜起 敕勦平之會駐兵於蕭賊至犯境遽調兵
策應境宇寧戢蕭民感頌

王隆山東鄆城人嘉靖中由舉人知縣事政善民服
時山東羣盜繹搔標掠郡縣人情洶懼隆爲營緝
城守以相保障民迄賴之尋改建廟學作新人才
上風丕振遷安慶府通判去後士民思之

馮裕山東臨朐人由進士正德三年爲令尹政敷于
惠而守亦端潔邑饑裕發倉廩以賑仍日煮豆粥
三百釜食之民賴以活精明渾厚相湏爲用又撫
流離墾荒田勸課農桑補助不給邑人依之若慈

母至於肇祀先賢修葺黌宇尤為有功於名教

孫重光山東海豐人由舉人嘉靖中知縣事性廉介
剛正僦有為興學校表貞列節冗費善於其職
蕭善田賦不均重光履畝步量緣地起稅境內翕
然稱平後遷州知州

耿介直隸元城人由歲貢嘉靖三十七年為蕭訓導
性純朴淡泊自甘飭躬範士教以正心修身為先
而次文藝端嚴中煦然有春且捐俸以周士之貧
者蕭之民士思介之教請于學
院乞入名宦批曰蓋從祀

蕭蔚廣西馬平人由舉人嘉靖四十一年掌蕭教事

慷慨有氣節而所養亦遂誨諸子嚴而有恩時西
學圯遷先師神位於舊東學宮庶事莽畧蔚特
捐常俸倡大義以建戟門且作書舍數楹為諸子
藏修地而親課其業人謂其模範可宗

沛縣

漢

許慎為沛縣長嘗作說文解字十四篇行於世

南北朝

朱就

今縣

無蹟不傳

宋

程珣字伯溫

大正之六元聖口補郊社齋郎歷

官知徐州沛事會夏秋雨潦平地汎溢民大失

秋珣念曰稻不熟續食在菽遲水退而後籽之

不已失時乎草民捐菽數千石以償農使布之

水中水未盡涸甲巳露矣是年遂不艱食

金

王立蕭人為沛縣丞節剛方人心率服

劉勳大定間為沛縣嘗作新廟學

元

劉伯顏字伯敬真定人元元年為沛尹以德化為

治不事刑朴

馬珪字君璋兗州人至元為沛尹行政循良頗有

古風

趙野字子開濟南人大德初為沛尹勸農興學政平
訟理沛人皆懷之各為立碑

扎忽解夫德間監沛縣甚有惠愛官至叅知政事封
任城郡公

王復字克明節人至正初為沛縣學教諭作新學校
振起士風

李茂字廷實齊河人初為濮州觀城尉遷沛尉善於

其職民為立美政碑虞集為文曰沛有尉善其職

姓名在石以示遠父國子生張復邑人也疏其邑

人之頌云舟車衝衝出我沛邦我任我載唯尉之

從力用不窮歲饑有盜尉制之有道田則有蝗尉

除之有方泗漢患水防隍善圯尉將役人如視妾

子民有無告尉繕其屋有繫在獄尉哺之粟額瞻

學宮廼曠廼墉釋其弓刀揖遜有容復之言曰尉

嘗學于濟南李昌先生故知愛人之說其父奉使

平陽罹地震之禍尉以恩得官故能感奮自樹立

也嗟大尉在縣政無所敢自遂也而及乎民者如

此自昔沛以勇岩為俗今父老獨不忘於一尉之

善者又如此且世之豪民狂吏以動搖劫持為能

視一職滿尉何有此乃以終愛聞不亦善夫使尉

益自勵所至不倦雖古循吏何以過之有司用材者能無考於斯

係文順

王居禮

並縣

孔希冕

教諭

無蹟不傳

國朝

卷之四

七

顏瓌字伯諱江西廬陵人聰明介直能文詞洪武已
卯以賢良薦知縣事撫民有善政未幾南北構兵
兵駐德州淮北郡邑並餽軍餉瓌善籌畫民不告
勞歲辛巳六月聖北兵直擣濟寧臨沛境民多竄
匿兵退瓌招徠復業如故秋九月有旨設沛豐軍
指揮司築堡備禦明年正月靖難兵駐沙河二十
二日攻沛瓌遣縣丞胡光百夫長邵彥莊告敵指
揮都督明日攻益取瓌呼弟玘暨次子有爲曰兵
勢盛孤城無援勢不可支爾還家白大人瓌既爲
人臣子職弗克盡矣取筆賦詩一章題壁曰太守

諸公鑒此情祗因 國難未能平丹心不改人
節青史誰書縣令名一木豈能支大廈三軍空擬
作長城吾徒雖死空遺憾願采民風尋 聖明比
漏下一鼓兵入東門指揮王顯迎降壞具衣冠南
嚮拜自經死子有為自刎以從俄諸軍至擒主簿
唐子清典史黃謙俱死之光與邑人歛壞有為死
殞之

常璫河南內鄉人由舉人永樂初知縣事平易近民
政務修舉遠近悅服之遷絳州知州

信湖廣嘉魚人景泰初由舉人知縣事興學校勤

於民事百廢具舉有遺愛焉

馮謙字履吉浙江諸暨人由舉人知縣事平恕不苛有利政及民卒于官民甚哀之

馬時中山西太原人成化中由舉人知縣事持守廉介爲政務崇簡易以忤勢謫慶遠衛經歷

姚祥字應龍廣東歸善人由進士弘治中知縣事自

奉清約愛民如子會天旱禾稼就稿祥憂形于色

引咎責躬虔禱郊外越三日降霽如注迺復有秋

民騷呼頌曰姚公賜也民有負官租者殆百人繫

且數年祥與之期而遣歸民果至無後期修葺學

校尉進諸生課校德業任甫八月擢御史去後父

立惠政碑

楊賢音軍前衛人由進士弘治中知縣事剛明果斷

中德停滯在任二年以憂去後擢御史

胡守約四川合州人由舉人知縣事性剛果有幹畧

會中官吏宣進貢經沛陵轢官吏橫索無厭守

約乃挺身立辨與宣訐奏誣逮繫獄比對復立

論侃侃畧無屈撓竟罷歸後復起用官至湖廣按

察僉事

麻芝陝西榆林衛人由國子生知縣事善騎射性剛

才敏疆禦懼服剪除夙寇境內晏然

操松江西浮梁人由舉人正德中爲學教諭性謹厚
篤學好古勤於立誨每教人以孝弟爲先諸生貧
者輒指俸資之沛人士今稱頌不衰

張悛福建同安人由歲貢正德年授訓導持守清潔
誨人有方不忝師儒之任

李文憲直隸某縣人由國子生嘉靖癸未任縣永明
年三月二十八日夜忽賊衆百餘人入城劫掠文

憲以兵拒敵賊勢熾衆懼曰勢收矣盍謹避之

文然曰吾爲國家守民社苟遇變而避如

吾民何廼奮獨當先夜三鼓矢盡遂遇害百姓號
泣如喪考妣焉

楊政江西南昌人由國子生嘉靖中任知縣初沛田
賦不均議行步量加意綜理廼得覈實賦稅均平
民免偏害

王治直隸永平人由國子生嘉靖十九年任知縣事
性剛果而敏沛故無城時北虜寇邊聲言南掠民
用騷然治爲築城民恃無恐又撤龍泉寺徙建學
宮寺址蕪塏風氣凝結諸士講習得所尤感頌焉
李禎江西新昌人由舉人嘉靖二十七年任知沛事

博學能文章且長於政邑多荒蕪不治之士禎給
牛令墾之禾菽被野發奸擿伏共指爲神尤加惠
於學校論文講德津津不倦諸士寔嘉賴之尋擢
御史

滕霽福建建安人由舉人先署沛庠教事學行兩優
士心欽服尋遷邑令益勵名節膏澤弘流善政善
教至今有遺思云

于喬山東高唐人嘉靖中以歲貢任教諭剛方不能
容人之過苦節自持却貧士餽且助之

張慶陽浙江泰順人以貢任訓導篤學能文志趨端

潔其師模之善與于喬先後見稱云

碭山縣

唐

韋恒嗣開元初為碭山令政寬惠民知愛之

劉碭山按李太白集有秋夜與劉碭山泛宴高亭池詩曰明宰試舟苒則劉必碭山宰也而其與

太白游人亦從可知已舊志莫稽其名今不刪者亦存羊之意云

宋

王存立無蹟不傳

金

杜之美胡世忠並碭山令侯丰王俱無蹟不傳

元

楊泰大德十一年為碭山尹興崇學校勸課農桑民

懷其德

蔣恕

孟直

並縣令

王良韓讓

並主簿

任天溼

論教

俱無蹟不

傳

國朝

郝玘山西吉州人永樂末為碭令廉勤愛惠務民義

作人才政教兼著聲聞隣邑秩滿父老乞留還任

尋以憂奪服闋蕭民聚都下者乞為令大曹允

之因除蕭見前傳

且江西樂安人正統間令爲礪重士愛民聲稱
甚改官

杜釗直隸衡水人繼鄒且而爲政政善民安之秩滿
民懇借留遂增秩還任

張夢輔陝西澄州人成化中由舉人知邑事剛果有
爲百廢具舉尤能弭盜四境晏然遷知潁州去

胡希顏陝西乾州人弘治中由進士爲場令其政大
都類夢輔頗尚嚴明風猷赫奕色素多盜至是頓
熄焉遷監察御史

葉楚華浙江松陽人由舉人成化初任教諭學問該

博善於作人士類頌之

日進河南祥符人由進士為邑令廉介不苟政務息民綽有聲績遷南道監察御史

李金江西豐城人由進士正德中知縣事性仁厚律已廉潔時盜賊猖獗金悉心經畧率民築重城以捍禦卒恃無恐後洪水至亦賴此保障得勉遷兵部主事歷台州知府

董槐山西代州人由舉人正德中任學諭持身端謹敷教嚴明士有懷金干託者麾斥之人多其介

季木浙江會稽人由舉人嘉靖中為令尹心本易其

勤撫宇會歲饑多方賑卹賴以金活者甚衆及
懼洪水城幾衝潰木率衆築隄守之水不爲殃遷
贛州府同知

劉陽江西安福人由舉人嘉靖中知縣事臨民以豈
弟尤篤於理學敦崇孝義每公餘輒引士民訓諭
之賢愚皆獲其益且修飭公署廟學諸所遷監察
御史

王紹元江西金谿人由舉人嘉靖中知碭山事門絕
苞苴政兼寬猛疲民賴以息肩其清查隱田之弊
更爲明作擢居臺中稱名御史

戴偉山東鄆城人由舉人嘉靖四十五年爲令尹厚
自標植篤中勿欺不曲法以長惡不操切以屬民
事交于前迎刃而解議新政七事上之監司報曰
此法可永永行之也命鑄石于堂

王廷卿湖廣荊門人由舉人隆慶四年爲令性豈第
才復精敏軫念凋殘多方撫字以薄歛恤民以誠
信御物至於豪滑干紀者繩之無少貸招撫流移
曲爲安插仍建書院進諸生而造就之月必三校
其文置義田若干畝以供課文之需而并給其貧
寒者歌篋匝衢流聞當路旌其賢者積二十七檄

而薦牘凡七上萬曆二載挾册入觀時上簡
循良吏得二十五人廷卿與焉溫詔褒之賜
宴尚方兼有大賚其指為榮及歸邑麥之穗有四
岐五岐六岐者二三岐者無算人以為廷卿善政
之應越明年擢南京戶部主事

豐縣

漢

牟融水平間為豐令視事三月獄無滯訟為諸郡最

宋

關景仁會稽人治平三年以進士馬建中單父人元祐初為豐

少政與

民官

韓侯淄川人官和中王之才註並無蹟不傳

元

郭瑄字廷玉至正五年知豐事沉靜有為凡建厯宇與學金不動聲色而事集民咸安之

劉士字尚志保定人至正十一年知豐事廉慎稱職輿論所歸

曹簡字士廉沂州人至元間為主簿政清訟理既去吏民立碑美之

士宗舉至正間作尉于豐元末其亂宗舉據守全縣

後去不知所終

張榮豐曹謙教諭並無蹟不傳

國朝

曾本江西雩都人洪武中為縣令性廉潔而政寬平吏民懷服

曹仲篋江西湖口人繼曾本為令清白自持平如是尚民咸歸心

闕膺字允登江西奉新人宣德中知縣事明達諳練政教兼舉公署學校煥然更新九年乞致政還家焉

段微山西懷仁人由舉人任學諭持身謹愨造士多
方九年致政去

陳善江西弋陽人由進士正德初知縣事剛明果斷
潔已字民僅半載遷安吉州守去士民惜其不久
高祿山東博興人嘉靖初由國子生爲豐戶會洪水
陷城民流離失所祿率衆徙于華山斬茨即居專
務儉約節省民賴以全遷平陽通判去豐人永思
其安集之惠

張叔宣四川內江人由舉人繼高祿之任持身貞白
臨事敏斂民亦便之擢松江通判去

李崇信湖廣潛江人由舉人嘉靖中爲縣尹時舊城潰沒民依華山以居崇信相度形便經畫城池興建廟學及諸公署處置得宜民皆悅服

任惟賢湖廣黃陂人由舉人嘉靖末知豐事少績學明易禮二經博有大幹畧築新堤崇節孝抑奸貪雪幽滯緩征薄歛與民休暇民咸德之後以去老幼爭爲攀轅號泣之聲聞數十里相率鐫碑以志去思

吳文光江西高安人由舉人萬曆元年任豐縣知縣廉介端方儻有爲豐頻年被水災疲荐至文光

加意撫循行條鞭法裁繁冗後脩綏水堤開荒蕪
田貧民有負公賦者請以其地變直賠償文光遂
捐俸金三十易爲學田其損上益下大都若是尤
一意作新士類修葺學宮以故境內晏然士民胥
慶時有頌長春者即徐癸酉歲秋稅逋負移之代
促史六察亦以清戎重委蓋文光爲縣令而兼州
郡風憲之務也當路廉其才疏調桃源繁地 命
甫下乃以憂奪去上下咸惜之